



Pou Piblikasyon Imedya: 25/04/2022

GOUVÈNÈ KATHY HOCHUL

GOUVÈNÈ HOCHUL ANONSE ENVESTISMAN BIDJETÈ POU ANE FISKAL 2023 POU SÈVI FANMI REJYON LWÈS NEW YORK YO

Jiska 1 milyon dola pou restore espas vè ki antoure ensington Expressway

600 milyon dola pou kenbe Buffalo Bills nan Orchard Park pou yon lòt 30 lane

169.2 milyon dola ogmantasyon nan èd pou lekòl lokal

212.3 milyon dola èd jeneral pou gouvènman lokal yo

Soulajman enpo sou revni pou 350,000 kontribyab Lwès NY

Gouvènè Kathy Hochul te anonse jodi a envestisman te anonse jodi a envestisman reyjonal nan Bidjè Ane Fiskal 2023 Eta a ke yo pral bay fanmi Lwès New York yo. Envestisman reyjonal sa yo apiye anons anvan Gouvènè Hochul yo ki enkli akò pou kenbe Buffalo Bills nan New York, kreyasyon plis pase 350 djòb nan Buffalo ak ekspansyon AML RightSource, deplwaman nouvo anplwaye nan SNUG Street Outreach nan Buffalo, ak kòmansman konstriksyon yon nouvo devlopman lojman 19 milyon dola nan Kot Lès Buffalo.

"Lwès New York se yon fwaye pou mwen - pandan twò lontan anpil pati nan reyon sa te neglige, men sa fini kounye a ak bidjè istorik sa," **Gouvènè Hochul te deklare**. "Ak envestisman enpòtan sa yo, nou ka limen dife ki fè Lwès New York tèlman espesyal la ankò epi atire moun isit la pou pataje eksperyans lan ak yo. Reyon sa tèlman gen anpil bagay pou ofri epi li lè pou nou mete nou outravay pou fè li briye pi klere pou jenerasyon k ap vini yo pou yo ka gen opòtinite pou viv pwòp rèv New York yo."

Envestisman nan Lwès New York ki nan Bidjè Ane Fiskal 2023 Eta a genyen ladan yo:

Lokal ak Atraksyon

- 8 milyon dola pou Kleinhans pou reparasyon ak modènizasyon
- 10 milyon dola pou yon pwojè ekspansyon plis pase 23 milyon dola pou Buffalo ak Jaden Bonanik Konte Erie
- 9 milyon dola pou mentnans ki nesesè nan Zou Buffalo

- 20 milyon dola pou ekspansyon Galri Albright-Knox Art
- 5 milyon dola pou kreye yon Sant Eritaj Ispanik nan Buffalo
- 9 milyon dola pou etabli Sektè Agwotouristik Niagara Falls
- 25 milyon dola envestisman nan Bò Dlo Niagara Falls la
- 600 milyon dola pou Estad Buffalo Bills la nan Orchard Park

Envestisman nan Kot Lès Buffalo

Bidjè Ane Fiskal 2023 a genyen ladan I envestisman pou korije mal ki fèt ke yo te neglige anvan yo ki enkli Kot Lès Buffalo. Envestisman la yo enkli:

- 37 milyon dola pou Broadway Market
- 30 milyon dola pou Koridò Eritaj Afriken Ameriken (African American Heritage Corridor) Michigan Street la
- 6 milyon dola pou sipòte MLK Park
- 55 milyon dola pou Faz 3 Zòn Redevlopman Koridò Northland lan
- 21 milyon dola pou Sant Fòmasyon Mendèv Northland lan (Northland Workforce Training Center)

Sèvis Transpò

- **Pwogram Ed pou Otowout Lokal CHIPS la:** Bidjè a founi 57.1 milyon dola finansman pou wout ak pon lokal nan Lwès New York atravè pwogram CHIPS la.
- **Pwogram Èd pou Otowout Lokal PAVE NY:** Bidjè a founi 15.7 milyon dola finansman pou wout ak pon lokal nan Lwès New York atravè pwogram PAVE NY la.
- **Rekiperasyon Aprè Ivè Ekstrèm (Extreme Winter Recovery, EWR):** Bidjè a founi 11.1 milyon dola finansman pou wout ak pon lokal nan Lwès New York atravè pwogram EWR la.
- **Wout Touristik Eta a (State Touring Routes, STR):** Bidjè a founi 19.1 milyon dola finansman pou wout ak pon lokal nan Lwès New York atravè pwogram STR la.
- **Bouche Twou nou yo (Pave our Potholes, POP):** Bidjè a founi 10.5 milyon dola finansman pou wout ak pon lokal yo atravè pwogram POP a.
- **Amelyorasyon nan Wout ak Pon yo:** Bidjè a genyen ladan I finansman pou pwojè wout ak pon nan rejon Lwès New York tankou:
 - o 41.8 milyon dola pou reparé twa pon ki pote Interstate 86 sou Lak Chautauqua nan Vil North Harmony, Konte Chautauqua.
 - o 12.2 milyon dola pou refè sifas wout ak reparasyon jeneral pon sou tout Route 219 la soti nan yon kilomèt nan sid Tèritwa Nasyon Endyen Senaca a rive nan Interstate 86 ak Route 954T soti nan Interstate 86 rive nan Route 417, nan Vil Carrollton, Konte Cattaraugus.
 - o 5.9 milyon dola pou rekonstui kafou US Route 62 ak NY Route 429 nan Vil Wheatfield, Konte Niagara.
- **Asistans pou Operasyon Transpò Piblik:** Bidjè a bay 68.2 milyon dola pou Otorite Transpò Fwontyè a (Niagara Frontier Transportation Authority, NFTA), yon ogmantasyon 15% pa rapò ak Ane Fiskal 2022 a.
- **Asistans Kapital pou Transpò Piblik ki pa MTA:** Bidjè a bay yon ogmantasyon 35 milyon dola sou yon ane a nan yon èd kapital pou transpò piblik ki pa MTA epi ki genyen ladan I 20 milyon dola pou twazyèm ane nan yon pwogram kapital 100 milyon

dola sou senk an pou sipòte tranzisyon ajans transpò piblik yo vè otobis elektrik. Yon pòsyon nan chak ap benefisyé NFTA. Bidjè a genyen ladan I tou 20 milyon dola pou katriyèm ane nan yon pwogram kapital 100 milyon dola sou senk an pou repara ekleraj sistèm ray tren an.

Gouvènman Lokal

- **Founi Èd ak Prim Ankourajman pou Minisipalite yo.** Bidjè a founi 212.3 milyon dola nan èd jeneral pou gouvènman lokal rejyon an.
- **Konsolide Gouvènman Lokal yo pou kreye ekonomi pou kontribyab yo.** Bidjè a founi 615.000 dola ekonomi pou kontribyab Lwès NY ki abite nan vilaj ki kraze atravè pwogram Kredi Fiskal pou Ranfòsman Pouvwa Sitwayen (Citizen Empowerment Tax Credit, CETC) an.
- **Diminye Taks sou Pwopriyete yo epi bese Depans Gouvènman Lokal yo atravè Sèvis Pataje yo.** Bidjè a kontinye pou bay apeprè 200 milyon dola fon kolateral pou sipòte kolaborasyon ant gouvènman lokal yo atravè Inisyativ Sèvis Pataje nan Tout Konte a (County Wide Shared Services Initiative, CWSSI). Jiska preznan, yo te bay pwojè Lwès NY yo plis pase 1.4 milyon dola nan fon kolateral eta a.
- **Konsève Èd pou Enpak Tèminal Tiraj Osò pa Videyo (Video Lottery Terminal Impact Aid).** Bidjè a konsève 3.1 milyon dola Èd pou Enpak Tèminal Tiraj Osò pa Videyo a pou minisipalite nan Lwès New York ak etablisman yo.

Edikasyon

- **Sipòte Lekòl Lès New York yo.** Eta New York kontinye angajman solid li anvè edikasyon lè li bay plis finansman pou satisfè bezwen elèv yo, pwofesè yo, ak lekòl yo nan mitan defi kontinyèl la ke pandemi COVID-19 la lakoz. Bidjè Ane Fiskal 2023 ki adopte a ogmante Èd pou Lekòl nan Lwès New York a 169.2 milyon dola (6.8 pouzan), ki gen ladan I yon ogmantasyon 122.3 milyon dola (7.3 pouzan) nan Èd pou Fondasyon. Ogmantasyon sa a se prensipalman pou dezyèm ane a nan miz an plas pwogresif sou twazan finansman konplè nan fòmil Èd pou Fondasyon an.

Devlopman Ekonomik

- **Buffalo Bills.** Bidjè Ane Fiskal 2023 Eta a genyen ladan I 600 milyon dola finansman kapital pou sipòte konstriksyon yon nouvo estad 1.4 milya dola datre yon akò konjwen piblik-prive pou asire ke Buffalo Bills rete nan Eta New York pou 30 ane k ap vini yo. Pi gwo pwojè konstriksyon nan listwa Lwès New York la pral kreye 10,000 djòb sendika byen peye, epi kontribisyon Eta a ap plis pase ranbouse nan revni sou règleman jwèt ak enpo sou revni ke antrepriz Buffalo Bills ap jenere.

Sante

- **Envesti nan Depatman Sante Lokal yo.** Bidjè yo Adopte a genyen ladan 1 milyon dola finansman pou ogmante sibvansyon debaz Travay Sante Piblik Jeneral (Atik 6) yo pou tout sèvis konplè ak pasyèl konte nan rejyon Lwès New York yo. Bidjè yo Adopte a envesti finansman tou pou tout konte yo pou kouvrí yon pòsyon nan depans avantaj sosyal yo pou anplwaye sante piblik yo atravè ranbousman Èd Eta a, ki pral ede konte yo ogmante nivo anplwaye yo pou satisfè demann sante piblik yo.

- **Konstui Sant Sante Kominotè ak Edikasyon Rashaun Nicole King lan:** Bidjè ki adopte a bay yon nouvo envestisman 2 milyon dola pou Enstiti Kansè Roswell Park la pou konstui Sant Sante Kominotè ak Edikasyon Rashaun Nicole King lan nan Buffalo. Sant Sante Kominotè ak Edikasyon Rashaun Nicole King lan ap sèvi kòm yon kanal pou sensibilizasyon sou sante piblik ak edikasyon nan zòn Buffalo a.
- **Depistaj Kansè Poumon nan Enstiti Kansè Roswell Park la (Roswell Park Cancer Institute, RPCI)** Bidjè Ane Fiskal 2023 a bay yon envistisman inik 4 milyon dola pou RPCI pou acha foug mobil pou depistaj kansè nan poumon ak teknoloji medikal ki asosye yo. Foug mobil sa yo ap deplwaye nan katye ak kominote ki divèsifye sou plan rasyal pou detekte kansè poumon bonè. Anplis, Bidjè Ane Fiskal 2023 ki adopte a bay 4 milyon dola kòm sipò anplis kontini pou Roswell Park pou ogmante epi amelyore operasyon depistaj kansè pamipilasyon ki divèsifye epi ki mal reprezante yo.

Lojman

- **Pwogram Prezèvazyon Katye ak Zòn Riral (Neighborhood and Rural Preservation Program, NPP/ RPP).** Bidjè a genyen ladan I plis pase 2 milyon dola pou Pwogram Prezèvazyon Katye (Neighborhood Preservation Program, NPP) a pou sipòtew gwooup kominotè san bi likratif yo ki bay asistans lojman, aktivite renouvelman kominotè, ak sibvansyon pou lwave nan rejon Lwès New York la.
- **Pwogram Asistans pou Lwave nan Zòn Riral (RRAP).** Bidjè a bay asistans pou Lwave atravè Pwogram Asistans pou Lwave nan Zòn Riral (Rural Rental Assistance Program, RRAP) a pou plis pase 900 inite lojman pou lokatè riral ki gen revni ki fèb yo nan Rejon Lwès Eta a.

Aksyon sou Revni ak STAR

- **Bay yon Kredi Rabè Fiskal pou Pwopriyetè Kay.** Bidjè a kreye yon nouvo kredi soulajman fiskal sou pwopriyete, ki se Kredi Rabè Fiskal pou Pwopriyetè Kay yo (Homeowner Tax Rebate Credit), pou fanmi ki gen revni ki fèb ak mwayen ki kalifye yo, ansanm ak kay granmoun aje ki kalifye yo.
 - o Benefis an mwayèn pou pwopriyetè kay Lwès New York yo ap apeprè 650 dola, k ap bay yon soulajman pou apeprè 283,000 fanmi ki peye taks sou pwopriyete.
- **Akselere Rediksyon Taks Klas Mwayèn lan.** Bidjè a akselere aplikasyon pwogresif rediksyon taks klas mwayèn lan pa dezan, epi li konplètman aplike rediksyon an apati kòmansman ane fiskal 2023 olye ane fiskal 2025 lan.
 - o Yo estime sa pral benefisyé apeprè 350,000 kontribiyab Lwès New York ak yon rediksyon taks 116 dola an mwayèn nan ane fiskal 2023 a ak 59 dola nan ane fiskal 2024 la.
- **Bay Kredi Taks sou Revni Salaryal (Earned Income Tax Credit, EITC) ak Peman Bonis EITC pou Paran Ki Pa Gen Gad Timoun yo.** Bidjè a bay yon peman siplemantè yon sèl fwa ki egal a 25 poustan EITC oswa EITC pou paran ki pa gadyen ki te reklame pou ane fiskal 2021 an, depi benefis la se omwen 25 dola.
 - o Yo estime sa pral bay plis pase 68,000 kontribiyab Lwès New York yon benefis 198 dola an mwayèn.
- **Bay yon Peman Bonis pou Kredi Timoun Empire State (Empire State Child Credit, ESCC).** Bidjè a bay yon peman siplemantè yon sèl fwa ant 25 ak 100 poustan ESCC ki te reklame pou ane fiskal 2021 an, depi benefis la se omwen 25 dola.

o Yo estime sa pral bay plis pase 96,000 kontribiyab Lwès New York yon benefis 210 dola an mwayèn.

Sekirite Piblik ak Gouvènans Jeneral

- **Nouvo Sit SNUG Outreach Niagara Falls** - Bidjè a bay 500,000 finansman pou mete sou pye yon sit SNUG nan Niagara Falls pou konbat ogmantasyon vyalans ak zam nan zòn nan.
- **Vyalans familyal ak dwa fanm** - Bidjè ki adopte a bay 150,000 dola pou klinik sou vyalans familyal ak dwa fanm nan Lekòl Dwa SUNY Buffalo a.

Anviwònan ak Enèji:

Bidjè yo Adopte pou Ane Fiskal 2023 a gen ladann finansman adisyonèl pou pwojè Pak Eta (State Park) sa yo:

- o Konsepsyon Fondasyon Buffalo Harbor Water - 15 milyon dola
- o Konsepsyon ekstansyon Niagara Falls Crows Nest (Sòti Maid of the Mist) - 600,000 dola
- o Koneksyon Santye Artpark Shoreline - 3 milyon dola

Bidjè Ane Fiskal 2023 ki adopte a genyen ladan I finansman adisyonèl pou pwojè DEC sa yo:

- o Reyabilitasyon Baraj Springville la
- o Santye pou Aksè Ijans ak Aksesiblite nan Zoar Valley

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)